

## Transkription von Stadtbucheintrag HLK 1446d

Ort, Datierung: Lübeck, 1446-12-08

Signatur: Stadtarchiv Hansestadt Lübeck, Niederstadtbuch

---

witlik sij dat twidracht vnde schelinge is gewesen twisschen Albert kynde / vnde hermen  
blomenberghe Alse van hundert marke lub(sch) de hinr(ik) vocken / weren geantwerdet de hermen van  
Alberde alse enem(e) vormu(n)dere mende / to manende daru(m)me se doch fruntliken sin vorscheden  
so dat hermen vor sick / vnde sine eruen den suluen Alberde vnde sine eruen van der wegen vor dem(e)  
/ Boke hefft vorlaten genzliken qwijt leddich vnde losz van allen vorder mani(n)ge / vnde ansprake /

Jachim dickman vor deme Boke hefft bekant dat Gerardus de boeris eme gantz vnde / all genoch hebbe  
gedan vor sinen denst de he Gerardo twisschen lubeke vnde / vendye vnde In ander(e)n landen hebbe  
gedan bette vppe dessen dach daru(m)me he / Gerardo fruntliken danckede de sulue(n) Jachim  
bekande vorder vor dem(e) boke / dat he vnde Gerardus In seltscoppen Rekenscoppen wedderlecgingen  
In ko=/penschoppen twisschen ene beth vppe dessen dach gehat genzliken malk ander / sin  
geschichtet vnde gescheden daru(m)me Jachim myt sinen eruen den vorscreuen(en) / Gerardus vnde  
sine eruen van der wegen vorlatet van vorder mani(n)ge vnde / to saghe genzliken qwijt leddich vnde  
losz dergeliken vorlatet Gerardus den / vorscreuen(en) Jachim van der wegen van vorder mani(n)ge  
qwijt vnde losz /